

當天本來想當面向議員們表達，可惜吃了閉門羹。為免再因任何爭拗而無法把話說清楚，現在以文本向各議員表達心聲。

現今社會都將 tsa 同操練都掛勾咗，係明白，曾經係有發生過。

但亦有好多學校一直以來視 tsa 為一個好有用既教學工作，冇對學生作任何操練，哩啲學生都有好成績，唔係啲學生係資優，係學校將 tsa 數據用得其所，而大家有冇去留意到哩啲學校呢？

有啲人會講咁唔達標學校咪一樣要操，我又想大家諗下，唔識係咪只有一個方法，就係背、抄、寫哩啲操練先可以解決到學術問題？我曾經記得循道中學有位老師為咗學生去記得三角形驗證條件，就作咗首數學洗腦歌，sin cos，唱到街知巷聞，仲需要操?!

我小朋友今年就要考 bca，唔好講話操，佢連邊日考都唔知，証明學校跟本對 bca/tsa 都有壓力，而有壓力之下去更加了解自己學校學生不足，唔係更好？每間學校老師出考試卷，都會因應自己學生問題出卷，往往會忽略真正問題所在，唔係老師唔夠專業，係全校學生都有問題而唔察覺，所以公開評估係對全港學生都有優處，希望大家唔好因為之前有學校做錯，而抹殺咗咁好既工具。

鄒佩君女士